

**Inatsisartut Naalakkersuisullu pillugit Inatsisartut inatsisaata allangortinneqarneranik  
Inatsisartut inatsisissaat nr. 1, ulloq 2. maj 1997-imeersoq Atuussimasoq (Historisk)**

**§ 1.**

Inatsisartut Naalakkersuisullu pillugit Inatsisartut inatsisaanni nr. 11, 20. oktober 1988-imeer-sumi kingullermik inatsisartut inatsisaatigut nr. 13, 31. oktober 1996-imeersukkut allangor-tinneqartumi § 2 ima oqaasertalerneqassaaq:

" § 2. Inatsisartut ilaasortamik akornannit Inatsisartut siulittaasussaata siulittaasullu tullii sisamat nutaamik qinersisoqareernerup kingorna inissititerfiusumik katersuunnermi, tak. § 1, imm. 2, tamatumalu kingorna ukiut tamaasa ileqqusumik ukiakkut ataatsimiinnenip ammarneqarnerani, qinissavaat. Qinigassangortittoq Inatsisartut siulittaasuattut qinerneqassaaq ilaasortat najuuttut affaanit amerlanerai taaneqaruni (amerlanerussuteqarlunnartut). Qinigassangortittut arlaat amerlanerussuteqarlunnartunit taaneqanngippat qinersisoqassaaq. Qinersinermi tassani qinigassangortittoq amerlanerussuteqarluiimartunit taaneqanngippat pingajussaanic qinigassangortittut marluk aappasaanik qinersinermi amerlanerpaanic taaneqarsimasut taasissutigineqassapput. Taasinerit amerlaqatigiippata qinersineq makitsinikkut aalajangeraeqassaaq.

Imm. 2. Aammattaaq Inatsisartut qanoq amerlatigineq naapertorlugu qinerseriaaseq malillugu ataatsikkoortumik qinissavaat siulittaasup tullia siulleq, aappaa, pingajuat sisamaallu, taakkulu siulittaasoq peqatigalugu Inatsisartut Siulittaasoqarfiattut atuutissapput. Siulittaasup tullissaanic qinersinermi siulittaasup qinikkatut inissaq siulleq siulittaasup taaseqatigisartagaanic pineqartussaq pissavaa.

Imm. 3. Taamaattoq Inatsisartuni amerlanerussuteqartut, Inatsisartunut ilaasortat affaat sinnerlugit amerlassuseqartut, akuersissutigisinnaavaat Inatsisartut siulittaasuata imaluunniit siulittaasup tulliiisa ilaat imm. 1 malillugu tullianik qinersinissap tungaanut atuukkunnaarsin-neqassasut. Inatsisartut siulittaasuata Inatsisartunit atuukkunnaarsinneqarpat Inatsisartut Siulittaasoqarfiat tamarmiusoq tunuassaaq. Nutaamik qinersineq imm. 1-imi imm. 2-milu periuereqqusaasut malillugit pissaaq.

Imm. 4. Inatsisartut Siulittaasoqarfiannik nutaamik aamma qinersisoqassaaq siulittaasoq allakkatigut Inatsisartut siulittaasuattut tunuarumalluni qinnuteqaateqarpat imaluunniit pineqartoq toqukkut qimaguppat."

**§ 2.**

Inatsisartut inatsisaat atortuulerpoq ulloq 2. maj 1997.

Lars Emil Johansen

/

Kaj Kleist